

## Faaararaa

---

Tai'o mahana : 10 no mati 2014

Na: Te mau hui mana faatere rahi ; te mau Hitu Ahuru Area ; te mau peresideni misioni, tŷtŷ e mataeinaa ; te mau episekopo e te mau peresideni amaa

No ô mai i : Te tuhaa faatere ohipa misionare (1-801-240-2222)

Tumu parau : Hi'opo'araa ma'i tutoo no te mau misionare e ho'i nei mai ta ratou misioni mai

---

TE EKALEZIA A  
IESU MESIA  
I TE FEIA MO'A  
I TE MAU MAHANA  
HOPEA NEI

E tirotiro fifi roa te ma'i tutoo, e nehenehe ta te reira e tu'ino roa i te mahaha e te tahi atoa mau melo o te tino. E mea faufaa roa ia hi'opo'ahia te mau misionare e ho'i nei mai ta ratou misioni mai no te ma'i tutoo, i te mea ho'i e, e nehenehe ratou e peehia i te reira ma'i e i muri iho roa mai te mau tapa'o faa'iteraa e itehia ai.

Ua apitihia'tu te hoê rata ta te mau peresideni misioni e horo'a'tu i te mau misionare e ho'i nei mai ta ratou misioni mai, no te faaue ia ratou ia hi'opo'ahia ratou no te ma'i tutoo ia ho'i atu ratou i te fare. E nehenehe teie rata e faauta-uira-hia e e nene'ihia e te mau peresideni misioni, mai ni'a mai i te tahua Itenati a te peresideni misioni ([missionary.lds.org/presidents](http://missionary.lds.org/presidents)) e aore râ e te mau rave ohipa i te piha toro'a a te misioni, i ni'a i te tahua Itenati no te paeau o te ea ([missionarymedical.org](http://missionarymedical.org)).

Te anihia nei i te feia faatere autahu'araa atoa i tera e tera fenua ia faaitoito i te mau misionare tei ho'i mai mai ta ratou misioni mai ia hi'opo'ahia ratou no te ma'i tutoo ia ho'i atu ratou i te fare, e ia hi'o atoa e, e rave'a tano ta ratou no te rave i te reira.

E te taeae / E te tuahine \_\_\_\_\_:

Tumu parau : Hi'opo'araa ma'i tutoo

E tirotiro fifi roa te ma'i tutoo, e nehenehe ta te reira e tu'ino roa i te mahaha e te tahi atoa mau melo o te tino. E tirotiro parare te reira, e tai'ohia hoê i ni'a i te toru o te taata na te ao taatoa nei, te vai ra teie tirotiro. Te taata ma'i e hotahota noa, na'na e haaparare i te tirotiro i te tahi atu mau taata.

Te rahiraa o te taata, e peehia i te tirotiro ma'i tutoo, aita te mau tapa'o faa'iteraa e tupu oioi mai. E parauhia te reira *te tutoo vai huna*. Ratou tei peehia i te tutoo vai huna, 10 i ni'a i te hanere o ratou te riro i te roohia i te ma'i tutoo a muri a'e.

Ia ore te mau tapa'o faa'iteraa ia u'ana roa mai i te peeraahia i teie ma'i tutoo, e mea *faufaa rahi roa ino* ia hi'opo'ahia oe no te ma'i tutoo i te taeraa'tu oe i te fare. Noa'tu â ta oe hi'opo'araa ma'i tutoo na mua a'e i te misioni (ua itehia anei teie ma'i e aore râ aita), e ti'a ia oe ia haere e farerei i te hoê taote e aore râ i te fare arairaa ma'i ia hi'opo'a-faahou-hia oe i to oe ho'iraa i te fare. E rave-atoa-hia te tahi atu hi'opo'araa e aore râ rapaauraa.

Mai te mea ua peehia oe i te tutoo vai huna, a haapa'o i te mau arata'iraa a to oe taote e aore râ a te fare arairaa ma'i o to oe fenua, ia au i te ture i to oe fenua. Mauruuru no te utuuturaa i to oe ea, ia riro noa oe ei tavini pautuutu e te maitai na te Fatu, i te roaraa o to oe oraraa.

Ma te aroha mau,

---

Te peresideni misioni